



Federal Ministry
for the Environment, Nature Conservation
and Nuclear Safety

Umwelt
Bundesamt



დაავადებათა კონტროლისა და
სამოგადოებრივი ჯანმრთელობის
ეროვნული ცენტრი

GEORGIAN NATIONAL CENTER FOR DISEASE
CONTROL AND PUBLIC HEALTH



გზამკვლევი საქართველოში ბიოციდების რაციონალური მართვისთვის

თბილისი 2020



„ქიმიური ნივთიერებების მდგრადი მართვის ეროვნული სისტემის ძირითადი ელემენტების დანერგვა აღმოსავლეთ ევროპის, კავკასიის და ცენტრალური აზიის ზოგიერთ ქვეყნებში-ბელარუსი, საქართველო, ყაზახეთი“ (2018-2021 წ.წ.)

პროექტი დააფინანსა გერმანიის გარემოს დაცვის, ბუნების კონსერვაციისა და ბირთვული უსაფრთხოების ფედერალურმა სამინისტრომ (BMUB) ცენტრალური და აღმოსავლეთი ევროპის ქვეყნებში, კავკასიასა და ცენტრალურ აზიაში, ასევე ევროკავშირის მეზობელ სხვა ქვეყნებში საკონსულტაციო დახმარების პროგრამის ფარგლებში. პროექტი განხორციელდა გერმანიის გარემოს დაცვის ფედერალური სააგენტოს (UBA) დახმარებით.



Federal Ministry
for the Environment, Nature Conservation
and Nuclear Safety



დაავადებათა კონტროლისა და
საზოგადოებრივი ჯანმრთელობის
ეროვნული ცენტრი
GEORGIAN NATIONAL CENTER FOR DISEASE
CONTROL AND PUBLIC HEALTH

თბილისი 2020 წ.

შინაარსი

1. წინაწიტყვობა	3
2. გზამკვლევის ჩარჩოები	4
3. გზამკვლევის შემუშავებისთვის გამოყენებული მეთოდოლოგია	4
4. რისკის შემცირება.....	5
5. ცოდნა და მტკიცებულება	7
6. ინსტიტუციონალური შესაძლებლობები	8
7. ხელმძღვანელობა და კოორდინაცია	9

წინასიტყვაობა

საქართველოს დაავადებათა კონტროლისა და საზოგადოებრივი ჯანმრთელობის ეროვნულმა ცენტრმა წარმატებით განახორციელა პროექტი „ოპერატიული და საკანონმდებლო სისტემის შემუშავება სახიფათო ქიმიკატების შესახებ ინფორმაციის შეგროვებისა და გაზიარებისთვის საქართველოში (2015 – 2017 წ.წ.), რომელიც დააფინანსა გარემოს დაცვის ფედერალურმა სააგენტომ (UBA) და ჯანდაცვის მსოფლიო ორგანიზაციის გარემოს დაცვისა და ჯანმრთელობის ევროპულმა ცენტრმა (ბონი, გერმანია). პროექტის ჩარჩოებში ჯანმო-მ 2017 წ. 28-29 მარტს თბილისში, საქართველოში, ჩაატარა შეხვედრა, რომელზეც მონაწილე ქვეყნებმა განაცხადეს, რომ ეროვნულ დონეზე არ არსებობს საკმარისი შესაძლებლობები (ტექნიკური, ადამიანური და ფინანსური) და ცოდნა-გამოცდილება ქიმიკატებთან დაკავშირებული კანონმდებლობის განხორციელების და ახალი სამართლებრივი აქტების შემუშავებისთვის. ყურადღება გამახვილდა დონორებისა და საერთაშორისო ორგანიზაციების მხრიდან მხარდაჭერის აუცილებლობაზე.

ქვეყნების თხოვნის საპასუხოდ შემუშავდა პროექტი (მე-2 ეტაპი) „ქიმიური ნივთიერებების მდგრადი მართვის ეროვნული სისტემის ძირითადი ელემენტების დანერგვა აღმოსავლეთ ევროპის, კავკასიის და ცენტრალური აზიის ზოგიერთ ქვეყნებში-ბელარუსი, საქართველო, ყაზახეთი“. პროექტის განხორციელებამ ხელი შეუწყო ევროპის გარემოს დაცვისა და ჯანმრთელობის პროცესს და ვალდებულებების რეგიონულ (ოსტრავას დეკლარაცია) და გლობალურ (SDGs, SAICM, MEAs) დონეზე შესრულებას.

პროექტის კონტესტში საქართველომ შექმნა ბიოციდების ეროვნული რეესტრი და სარეგისტრაციო სისტემა და ტექნიკური ბაზა ბიოციდებთან დაკავშირებული ინფორმაციის შეგროვებისა და გაზიარებისთვის ონ-ლაინ რეჟიმში. მიმდინარეობს სამუშაოები ბიოციდური პროდუქტების ბაზარზე გატანისა და გამოყენების თაობაზე ევროპარლამენტისა და საბჭოს 2012 წლის 22 მაისის # 528/2012 რეგლამენტთან ჰარმონიზაციისთვის.

ამჟამად, „ჯანმრთელობის დაცვის შესახებ“ საქართველოს კანონის შესაბამისად, რეგისტრაცია სავალდებულოა მხოლოდ დეზინფექციის, დერატიზაციისა და დეზინსექციის საშუალებებისთვის. რეგისტრაციას ახორციელებს საქართველოს დაავადებათა კონტროლისა და საზოგადოებრივი ჯანმრთელობის ცენტრი. რეგისტრირებული დეზინფექტანტების ჩამონათვალი ხელმისაწვდომია NCDC-ის ვებ-გვერდზე: www.ncdc.ge.

ბიოციდებთან დაკავშირებული ახალი ტექნიკური რეგლამენტებით გათვალისწინებული სამომავლო ვალდებულებებისა და რიგი მომწოდებლების გათვალისწინებით, რომლებსაც ეხებათ ეს ვალდებულებები, მოსალოდნელია ვალდებულებათა რაოდენობის ზრდა NCDC-სთვისაც. ამიტომ აბსოლუტურად აუცილებელია თანამშრომლეთა შესაძლებლობებისა და ცოდნის განმტკიცება და ანალიტიკური ლაბორატორიების ოპერატიული მზადყოფნის უზრუნველყოფა ბიოციდების მართვასთან დაკავშირებული ისეთი ახალი ვალდებულებების შემოღების კონტექსტში, როგორიცაა ნივთიერებებისა და ნარევების კლასიფიკაცია, მათი ფიზიკური და ქიმიური, ტოქსიკოლოგიური და ეკოტოქსიკოლოგიური თვისებების ტესტირება ავტორიზაციისა და ჯანმრთელობისა და გარემოს მიმართ რისკების სათანადო მართვისთვის.

ეს გზამკვლევი „ბიოციდების რაციონალური მართვისთვის საქართველოში“ შემუშავებულ იქნა ჯანმო-ს რეკომენდაციის შესაბამისად და წარმოადგენს იმ საკითხებისა და ქმედებების

ერთობლიობას, რომლებიც ხელს უწყობს ევროკავშირის ბიოციდების რეგლამენტის შემოღებას და ეტაპობრივ განხორციელებას საქართველოში არსებული ყველა დაინტერესებული მხარის ჩართულობით.

გზამკვლევის ჩარჩოები

„გზამკვლევი ბიოციდების რაციონალური მართვისთვის საქართველოში“ (შემდგომში - „გზამკვლევი“) შედგება ქმედებებისგან, რომლებიც უნდა განახორციელოს ყველა დაინტერესებულმა მხარემ (სახელმწიფო უწყებებმა, პოლიტიკოსებმა, დამფინანსებლებმა, არასამთავრობო ორგანიზაციებმა, ქიმიურმა მრეწველობამ, აკადემიურმა წრეებმა და კომერციულმა სტრუქტურებმა), რათა მიღწეულ იქნას ქიმიური ნივთიერებების საერთაშორისო მართვისადმი სტრატეგიული მიდგომის (SAICM) ზოგადი მიზნები და აღკვეთილ იქნას ქიმიკატების წარმოებისა და გამოყენების უარყოფითი ზემოქმედება ადამიანის ჯანმრთელობაზე და გარემოზე. ეს გზამკვლევი კონკრეტულად ყურადღებას ამახვილებს ბიოციდების (დეზინფექტანტების) მართვაზე.

გზამკვლევის შემუშავებისთვის გამოყენებული მეთოდოლოგია

გზამკვლევი ქიმიკატების რაციონალური მართვისთვის შემუშავებულ იქნა ჯანმო-ს ქიმიკატების გზამკვლევის და სახელმძღვანელოს შესაბამისად.

გზამკვლევი განიხილავს უმნიშვნელოვანეს ქმედებებს ოთხი მიმართულებით: **რისკების შემცირება; ცოდნა და მტკიცებულება; ინსტიტუციური შესაძლებლობები; და ხელმძღვანელობა და კოორდინაცია**, როგორც განსაზღვრულია ჯანმო-ს გზამკვლევაში, რომელიც დაამტკიცებულ იქნა ჯანმრთელობის მეჩვიდმეტე მსოფლიო ასამბლეაზე, რათა გაძლიერდეს ჯანდაცვის სექტორის ჩართულობა ქიმიკატების საერთაშორისო მართვისადმი სტრატეგიულ მიდგომაში, 2020 წლის და შემდგომი მიზნების მისაღწევად. იმისთვის, რომ გზამკვლევი რაც შეიძლება ეფექტიანი და ადვილად გამოსაყენებელი გამხდარიყო, იგი დაეგზავნათ სახელმწიფო სტრუქტურებისა და შესაბამისი დარგის ექსპერტებს. ყველა სხვა დაინტერესებული პირის მიერ მოწოდებული უკუკავშირი დადებით ხასიათს ატარებდა.

დაინტერესებულ მხარეთა მოსაზრებები და კომენტარები გათვალისწინებულ იქნა ამ გზამკვლევაში და მნიშვნელოვან ნაბიჯს წარმოადგენდა გზამკვლევის საბოლოო ვერსიის ჩამოყალიბებისთვის.

განსახორციელებელი ქმედებები განისაზღვრა საქართველოში ქიმიური ნივთიერებების მართვის სკრინინგის-მიმოხილვის გზით. მიმოხილვა მოამზადა იმ ეროვნული ექსპერტებისგან შემდგარმა ჯგუფმა, რომლების წარმოადგენდნენ დაინტერესებულ მხარეებს სხვადასხვა სახელმწიფო უწყებებიდან, დარგიდან და სამოქალაქო საზოგადოებიდან. მიმოხილვა ხელმისაწვდომია ვებ-გვერდზე: www.ncdc.ge.



რისკების შემცირება

მიზანი: ადამიანის ჯანმრთელობისა და გარემოს მიმართ ბიოციდების წარმოებითა და გამოყენებით გამოწვეული რისკების მინიმუმამდე დაყვანა და აღკვეთა.

- ბიოციდების რეგულირებასთან დაკავშირებული კანონპროექტის მიღება, რომელიც, შეძლებისდაგვარად მაქსიმალურად იქნება ჰარმონიზებული/ დაახლოვებული ბიოციდური პროდუქტების ბაზარზე გატანისა და გამოყენების თაობაზე ევროპის პარლამენტისა და საბჭოს 2012 წლის 22 მაისის #528/2012 რეგლამენტთან, შემდეგი მნიშვნელოვანი ელემენტების ჩათვლით:
 - ბიოციდური პროდუქტების ტიპების განსაზღვრა და კლასიფიკაცია;
 - აქტიური ნივთიერებების დამტკიცება (ევროკავშირის ჩამონათვალის შესაბამისად);
 - ბიოციდური პროდუქტების ავტორიზაციის ზოგადი პრინციპები;
 - მონაცემთა დაცვა და მონაცემთა გაზიარება;
 - ინფორმაცია და კომუნიკაცია;
 - ბიოციდური პროდუქტების კლასიფიკაცია, შეფუთვა და მარკირება და უსაფრთხოების პასპორტები;
 - ტოქსიკოლოგიური კონტროლი;
 - კომპეტენტური ორგანო;
 - ჯარიმები;
 - ლაბორატორიული კონტროლი.
- ბიოციდური პროდუქტების (ადგილობრივად წარმოებული ან იმპორტირებული) ავტორიზაციის სისტემის შექმნა;
- რისკების მართვის ინსტრუქციების - როგორც ადამიანის ჯანმრთელობაზე და გარემოზე ბიოციდური პროდუქტების უარყოფითი ზემოქმედების მინიმუმამდე დაყვანის/ პრევენციის თაობაზე გადაწყვეტილებების მიღების საფუძვლის - შემუშავება;
- მონაცემთა სხვადასხვა წყაროების ადრეული შეფასების და გადასინჯვის ჩატარება ბიოციდურ პროდუქტებში შემავალი სახიფათო ქიმიური ნივთიერებების ზემოქმედების იდენტიფიცირებისთვის;
- კანონმდებლობის, პროცედურებისა და პროგრამების განხორციელება ბიოციდურ პროდუქტებთან მუშაობისას სამუშაო ადგილზე არსებული საშიშროების

¹ <https://eur-lex.europa.eu/legal-content/EN/TXT/PDF/?uri=CELEX:32012R0528&from=EN>

იდენტიფიცირებისა და აღმოფხვრისთვის ან კონტროლისთვის და ჯანმრთელობის უსაფრთხოების მისაღწევად;

- სამუშაო ადგილებზე უსაფრთხოების ინსპექტირების სისტემის შექმნა ბიოციდური პროდუქტების წარმოებისა და გამოყენების თვალსაზრისით;
- იმის უზრუნველყოფა, რომ რისკების შემცირების ღონისძიებები დაგეგმილია და ხორციელდება ყველა სამუშაო ადგილზე, სადაც ხდება ბიოციდური პროდუქტების წარმოება და გამოყენება, სათანადო პერსონალური დამცავი აღჭურვილობის (PPE) ხელმისაწვდომობის ჩათვლით;
- რეკომენდაციების შემუშავება ოჯახების მიერ ბიოციდური პროდუქტების უსაფრთხო გამოყენებისთვის;
- მოთხოვნების შემუშავება ბიოციდური პროდუქტების ნარჩენების და მათი კონტეინერების უსაფრთხო მართვისთვის;
- დარგთან კონსულტაციების სისტემის შექმნა ბიოციდების მართვასთან, მათ შორის ბიოციდური პროდუქტების უსაფრთხოებასთან დაკავშირებულ საკითხებზე;
- ეროვნულ ბაზარზე არსებული იმ ბიოციდური პროდუქტების ტოქსიკური და ფიზიკური მახასიათებლების განხილვა, რომლებიც შეიცავს ქიმიურ ნივთიერებებს უსაფრთხოების პასპორტის მიხედვით, მოპყრობის, შენახვის ან მოხმარება/ათვისების პროცედურების, აგრეთვე, პროცესში სხვა ქიმიკატებთან და მასალებთან სახიფათო ურთიერთქმედების ან შეთავსებადობის თვალსაზრისით;
- შედარებით უსაფრთხო ალტერნატივების და ადამიანის ჯანმრთელობისადმი და გარემოსადმი მათი რისკების შეფასების უზრუნველყოფა აქტიური ნივთიერებების და ბიოციდური პროდუქტების სასიცოცხლო ციკლის გათვალისწინებით და ამ ალტერნატივების გამოყენების ხელშეწყობით;
- ტესტირების საუკეთესო მეთოდების იდენტიფიცირებისა და ადაპტაციის ხელშეწყობა ბიოციდების უსაფრთხოებისა და ეფექტიანობის შესაფასებლად, პოტენციურად ბიოციდების მიერ გამოწვეული არაგადამდები და ოკუპაციური დაავადებების ადრეულ ეტაპზე მისაკვლევად. ისეთი საკანონმდებლო ცვლილებების ინიცირება, რომლებიც ითვალისწინებს სავალდებულო ანგარიშგებას ყველა არაგადამდები და ოკუპაციური დაავადებების, მათ შორის, ალერგიების შესახებ, რომლებიც პოტენციურად ბიოციდების მიმართ ექსპოზირებასთანაა დაკავშირებული;
- ბიოციდების რეესტრის შექმნა და მისი სათანადო ფუნქციონირების უზრუნველყოფა;
- გაიდლაინების შემუშავება ბიოციდური პროდუქტების გამოწვეული ინტოქსიკაციების პრევენციისა და მართვისთვის;
- ინტოქსიკაციის - მათ შორის, ბიოციდური პროდუქტებით - ოპერაციებისა და ზედამხედველობის სისტემის შექმნა (ტოქსიკოეპიდემიოლოგია);
- საკანონმდებლო და საგადასახადო სისტემების რევიზიის გათვალისწინება შედარებით უსაფრთხო ალტერნატივების გამოყენების მხარდასაჭერად.



ცოდნა და მტკიცებულება

მიზანი: ბიოციდური პროდუქტების, მათი უსაფრთხოებისა და ეფექტიანობის, მოწინავე პრაქტიკის და დაცვის ღონისძიებების შესახებ ინფორმაციის ხელმისაწვდომობის უზრუნველყოფა ყველა დაინტერესებული ჯგუფისთვის, როგორცაა გადაწყვეტილების მიმღები და პოლიტიკური კურსის განმსაზღვრელი პირები, მშრომელები, დამსაქმებლები, ჯანდაცვის და საზოგადოებრივი ჯანმრთელობის პროფესიონალები და საზოგადოება.

- ბაზარზე არსებული ბიოციდური პროდუქტების შესახებ ინფორმაციის შეგროვებისა და გაზიარების სისტემის შექმნა;
- ბიოციდებისა და ბიოციდებში არსებული სახიფათო ქიმიური ნივთიერებები საერთაშორისო და ევროკავშირის მონაცემთა ბაზებზე წვდომის უზრუნველყოფა;
- ვებ-გვერდის შექმნა ბიოციდებში არსებული სახიფათო ქიმიური ნივთიერებების შესახებ ინფორმაციის გასავრცელებლად ეროვნულ ენაზე;
- ევროკავშირში რეგისტრირებული აქტიური ნივთიერებების ჩამონათვალის ხელმისაწვდომობის უზრუნველყოფა;
- ბროშურებისა და ფლაერების გავრცელება ცნობიერების ამაღლების მიზნით, კამპანიების ჩატარება საზოგადოების დასახმარებლად, რათა გააცნობიერონ და აღკვეთონ ადამიანის ჯანმრთელობის მიმართ ბიოციდების რისკი;
- ბიოციდების უსაფრთხო გამოყენებასთან დაკავშირებული მოწინავე პრაქტიკის გასაჯაროება;
- ბიოციდებთან დაკავშირებული რისკებისა და მათი უსაფრთხო გამოყენების შესახებ ცნობიერების ამაღლებისკენ მიმართული კამპანიების შემუშავება და განხორციელება ჯანდაცვის მუშაკებისთვის, დამსაქმებლებისა და თანამშრომლებისთვის;
- მტკიცებულებების შეგროვება ჯანმრთელობაზე ბიოციდური პროდუქტების არასათანადო მართვით გამოწვეულ მწვავე და ქრონიკულ ზემოქმედებაზე;
- პროექტების შემუშავება და განხორციელება WHO, ECEH, UNEP-ის მხარდაჭერით;
- დარგის წარმომადგენლებისთვის და საზოგადოებისთვის ბიოციდებთან და ადამიანის ჯანმრთელობაზე და გარემოზე მათ ზემოქმედებასთან დაკავშირებული ცოდნის გაზიარება, მათ შორის, სხვადასხვა დაინტერესებული მხარისთვის განკუთვნილი სასწავლო სემინარების და ვებინარების საშუალებით;
- მექანიზმების შემუშავება ჯანმრთელობის შესახებ მონაცემებისა და ინფორმაციის შეგროვებისა და მართვისთვის, რაც აუცილებელია ბიოციდების წარმოებისა და

გამოყენებასთან, მათ უსაფრთხოებასა და ეფექტიანობასთან მიმართებაში წინსვლის შესახებ ანგარიშგებისთვის;

- ინფორმაციის მისაღები პლატფორმის, ინტერაქტიური ვებ-საიტებისა და/ან სადისკუსიო ფორუმების შექმნა ჯანმრთელობაზე ბიოციდების ზემოქმედებასთან დაკავშირებული კონკრეტული საკითხებისთვის;
- კავშირის დამყარება ქართველ მომხმარებლებთან/ მწარმოებლებთან, რათა გაუმჯობესდეს მათი ცოდნა და უნარ-ჩვევები ბიოციდებისთვის სახიფათო ექსპოზირების აღმოფხვრასთან ან შემცირებასთან დაკავშირებით;
- ჯანმრთელობის პროპაგანდის მასალების გავრცელება და გადაცემა იმ ქიმიური რისკების შესახებ, რომლებიც შესაძლოა წარმოიშვას ბიოციდური პროდუქტების გამოყენებისას;
- ინდიკატორების შემოღება და გამოყენება პროგრესის შესაფასებლად.



ინსტიტუციური შესაძლებლობები

მიზანი: იმის უზრუნველყოფა, რომ ინსტიტუციური შესაძლებლობები ადექვატურია და იძლევა ბიოციდების უსაფრთხო მართვის შესაძლებლობას მათი სასიცოცხლო ციკლის პერიოდში პოლიტიკის, ექსპერტიზის, ადამიანური, ტექნიკური, ფინანსური და სხვა რესურსების თვალსაზრისით.

- ბიოციდების მართვაზე უფლებამოსილი ეროვნული უწყების იდენტიფიცირება და მისი შესაძლებლობების განმტკიცება;
- ბიოციდური პროდუქტების ეროვნული რეესტრის შექმნა;
- ტოქსიკოლოგიური ცენტრის შექმნა ტოქსიკოლოგიური ცენტრების შესახებ ჯანმო-ს მითითებების შესაბამისად;
- ტექნიკური მხარდაჭერის სამსახურის შექმნა დარგის და საზოგადოების მხარდასაჭერად ბიოციდების მართვის და, განსაკუთრებით, ბიოციდური პროდუქტების ავტორიზაციის საკითხებში;
- ცოდნა-გამოცდილების ხელმისაწვდომობის უზრუნველყოფა GHS-ის შესაბამისად ქიმიკატებისა და მათი ნარევების კლასიფიკაციისა და მარკირებისთვის, ჯანმრთელობასთან და გარემოსთან მიმართებაში ბიოციდების რისკების შეფასებისთვის, შედარებით უსაფრთხო ალტერნატივების შეფასებისთვის;
- ხარვეზების გამოვლენა და ეროვნული პოლიტიკისა და საკანონმდებლო ჩარჩოების შემუშავება ბიოციდური პროდუქტების სასიცოცხლო ციკლში ჯანმრთელობაზე მათი ზემოქმედების გასათვალისწინებლად;
- ყველა ტიპის ბიოციდური პროდუქტის წარმოების, ტრანსპორტირების, გამოყენებისა და უტილიზაციის მონიტორინგის დაწესება და რეგიონალური და საერთაშორისო თანამშრომლობის ხელშეწყობა არსებული რეგლამენტების შესრულების განმტკიცებისა და არალეგალური მიმოქცევის პრევენციის მიზნით;
- ბიოციდებთან დაკავშირებული ტრენინგების პროგრამების შემუშავება და განხორციელება დარგისთვის, საზოგადოებისთვის, მშრომელებისა და დამსაქმებლებისთვის, ასევე ჯანდაცვის სფეროს პროფესიონალებისთვის;
- ინსტრუმენტების, მითითებების, ტექნიკური რეგლამენტების შემუშავება ბიოციდებთან დაკავშირებული რეგლამენტების სრულყოფილად განხორციელების ხელშეწყობად;

- მიზნობრივი აუდიტორიისთვის (სამედიცინო სფეროს პროფესიონალები და ჯანდაცვის მუშაკები, საზოგადოება) განკუთვნილი საგანმანათლებლო მასალების გავრცელება ბიოციდური პროდუქტების უსაფრთხო გამოყენების კონკრეტულ საკითხებზე (მაგ. ჯანმრთელობისადმი რისკის შეფასება და მონიტორინგი, მტკიცებულებების შეგროვება, ჯანმრთელობის პრობლემების დიაგნოსტიკა და მკურნალობა, ქიმიური უსაფრთხოების ცოდნა და მარკირება);
- სასწავლო პროგრამის შემოღება სამედიცინო სასწავლებლებში და სხვა საგანმანათლებლო დაწესებულებებში, რათა გათვალისწინებულ იქნას ბიოციდური ქიმიკატების ზემოქმედება ჯანმრთელობაზე, ყურადღების გამახვილებით ტოქსიკოლოგიაზე და პროფესიულ და საზოგადოებრივ ჯანმრთელობაზე;
- ანალიტიკური შესაძლებლობების გაძლიერება ბიოციდების უსაფრთხოებისა და ეფექტიანობის შეფასებისთვის;
- ფინანსური მხარდაჭერის უწყვეტობის უზრუნველყოფა ბიოციდების რაციონალური მართვისთვის.



ხელმძღვანელობა და კოორდინაცია

მიზანი: პირობების შექმნა ჯანდაცვის სექტორისთვის, რათა შეასრულოს წამყვანი როლი ბიოციდების რაციონალურ მართვაში სხვა სახელმწიფო უწყებებთან, შესაბამის დარგთან და საზოგადოებასთან თანამშრომლობისა და კოორდინაციის გზით.

- მრავალი დაინტერესებული მხარის პლატფორმის შექმნის განხილვა ავტორიზებულ სახელმწიფო ორგანოში ან ინსტიტუციაში, რათა უზრუნველყოფილ იქნას ყველა დაინტერესებული მხარის მონაწილეობა ბიოციდების მართვასთან დაკავშირებული გადაწყვეტილებების მიღების პროცესში;
- ბიოციდების მართვაში სახელმწიფო უწყებების მანდატის განსაზღვრა;
- საკონტაქტო პირის გამოყოფა ოკუპირებული ტერიტორიებიდან იძულებით გადაადგილებულ პირთა, შრომის, ჯანმრთელობისა და სოციალური დაცვის სამინისტროში ქიმიკატებთან და ჯანმრთელობასთან დაკავშირებული საკითხებისთვის, ამ გზამკვლევის განხორციელების და ქიმიკატებისა და ჯანდაცვის ეროვნული ქსელის შექმნის, ქიმიკატების საერთაშორისო მართვისადმი სტრატეგიული მიდგომის (SAICM) განხორციელების ჩათვლით;
- ბრიფინგების ორგანიზება პოლიტიკოსებისა და მაღალი თანამდებობის პირებისთვის ეროვნულ, რეგიონულ და საერთაშორისო დონეზე ბიოციდების შემადგენლობაში არსებული სახიფათო ქიმიკატების ადამიანის ჯანმრთელობაზე ზემოქმედებასთან დაკავშირებით,
- სტრატეგიულ მიდგომაში (Strategic Approach) ჯანდაცვის სექტორის ჩართულობის განსამტკიცებლად სამოქმედო გეგმის დანერგვა/განხორციელება;
- ოკუპირებული ტერიტორიებიდან იძულებით გადაადგილებულ პირთა, შრომის, ჯანმრთელობისა და სოციალური დაცვის სამინისტროს შესაძლებლობების უზრუნველყოფა, რათა წარმოადგინოს საქართველო ბიოციდებთან და ზოგადად ქიმიკატების მართვასთან დაკავშირებულ კონფერენციებზე და შეხვედრებზე;
- საჭიროებისამებრ, მულტი-სექტორული თანამშრომლობის განვითარება და განმტკიცება ეროვნულ, რეგიონულ და საერთაშორისო დონეზე, რათა მინიმუმამდე იქნას დაყვანილი და აღიკვეთოს ქიმიკატებისა და ნარჩენების მნიშვნელოვანი უარყოფითი ზემოქმედება ჯანმრთელობაზე, მათ შორის, თავად ჯანდაცვის სექტორში.